

## EXCMA. DEPUTACIÓN PROVINCIAL DE LUGO

### ÁREA DE INNOVACIÓN, PARTICIPACIÓN CIDADÁ, MOCIDADE E DEPORTES. SERVIZO DE DEPORTES

#### Anuncio

BASES DA CONVOCATORIA DA ÁREA DE INNOVACIÓN, PARTICIPACIÓN CIDADÁ, MOCIDADE E DEPORTES DA DEPUTACIÓN DE LUGO QUE REXERÁN A CONCESIÓN DE BOLSAS PARA DEPORTISTAS INDIVIDUAIS DA PROVINCIA DE LUGO, DISCIPLINA AUTOMOBILISMO, ESPECIALIDADE RALLY DE ASFALTO, TERRA OU MONTAÑA NA ANUALIDADE 2017

Para impulsar a práctica deportiva, a Presidencia da Deputación, a través da Área de Innovación, Participación Cidadá, Mocidade e Deportes, convoca bolsas para a promoción e difusión do deporte, sendo consciente das dificultades dos e das deportistas lucenses de modalidades individuais, -especialmente nas etapas de iniciación- para progresaren na súa formación integral.

Nesa perspectiva é na que se insire o presente programa de bolsas a deportistas individuais, de conformidade co disposto na Lei 38/03, de 17 de novembro, xeral de subvencións, e na Lei 9/07, de 13 de xuño, de subvencións de Galicia e na Ordenanza Xeral de Subvención da Deputación de Lugo.

#### PRIMEIRO.- OBXECTO

Constitúe o obxecto desta convocatoria a ordenación do procedemento aplicable para o outorgamento de bolsas para deportistas individuais da provincia de Lugo, anualidade 2017, destinadas a deportistas individuais da disciplina automobilismo, especialidade rally de asfalto, terra ou montaña.

#### RÉXIME DA CONVOCATORIA

As bolsas para deportistas individuais da provincia de Lugo na anualidade 2017, teñen por obxecto a cobertura de custos (código obxecto 3), articularanse na modalidade bolsas código instrumento axuda SUBV) sen contraprestación en réxime de concorrencia competitiva, sendo esta un tipo de subvención non cualificable como axuda de Estado a empresa (código tipo de subvención 1), encadrada dentro do sector económico das actividades deportivas (código sector económico 93.1) cunha finalidade de promoción deportiva (código finalidade 18), non prevendo unha eliminación ou diminución das desigualdades detectadas (código do impacto de xénero 1).

Pódese consultar a Ordenanza Xeral de Subvencións da Deputación de Lugo na web desta entidade local, en concreto na seguinte dirección:

<http://run.gob.es/owqlth>

#### SEGUNDO.- DESTINATARIOS

Poderán ser beneficiarios das bolsas da presente convocatoria as persoas físicas que sexan deportistas federados nalgunha das federacións oficiais de automobilismo, de calquera categoría, e exclusivamente de modalidades de rallye de asfalto, terra e montaña, de nacionalidade española ou residentes legais en España, que cumpran cos seguintes requisitos:

##### A. REQUISITOS PERSOAIS

1. Ter residencia en calquera dos municipios da provincia de Lugo, durante o ano 2016.

2. Posuír ficha federativa de piloto durante o ano 2016 e manter na data de presentación de solicitudes ficha federativa oficial, na disciplina e/ou modalidade para a que solicita a bolsa.
3. Estar ao corrente nas obrigas tributarias coa Facenda estatal e autonómica, así como estaren ao corrente das obrigas coa Seguridade Social e coa Deputación Provincial.
4. Os establecidos no artigo 13 da Lei xeral de subvencións e aplicables no presente caso.
5. Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.

#### B. REQUISITOS DEPORTIVOS.

Para poder ser beneficiario da bolsa, o/a deportista individual (piloto/a) deberá acreditar mediante a respectiva certificación federativa ter disputado polo menos e como mínimo dúas (2) probas nalgunha proba oficial federada durante a temporada 2016, das modalidades e grupos indicados no punto TERCEIRO da presente convocatoria.

Establécese como tempada o período que vai desde o 1 de xaneiro de 2016 até o 31 de decembro do 2016. Estas bolsas non serán compatíbeis con outras axudas públicas da Deputación de Lugo para a mesma finalidade.

As bolsas reguladas nas presentes bases concederanse en réxime de concorrencia competitiva e baixo os principios de obxectividade, transparencia, igualdade, non discriminación, eficacia e eficiencia.

O logro e consecución dos postos e méritos deportivos indicados neste punto como requisitos deportivos para poder ser beneficiario de bolsa, deberá estar expresamente indicado na respectiva certificación federativa de acordo cos anteriormente referidos méritos. De non reflectirse expresamente tal circunstancia na correspondente certificación, entenderase que non cumpre o requisito indicado.

#### TERCEIRO.- MODALIDADES E GRUPOS

As modalidades de rallye de asfalto, montaña e terra e grupos que exclusivamente se considerarán válidas para a acreditación de ter disputado polo menos e como mínimo dúas (2) probas nalgunha proba oficial federada durante a temporada 2016 de rallye de asfalto, terra ou montaña e optar a bolsa, son as seguintes:

##### MODALIDADES

- CAMPIONATO NACIONAL 2016
  - a) rallye DE ASFALTO
  - b) rallye DE TERRA
  - c) MONTAÑA
- CAMPIONATO AUTONÓMICO GALEGO 2016
  - a) rallye DE ASFALTO
  - b) MONTAÑA
- COPAS PROMOCIÓN

##### **GRUPOS CAMPIONATO NACIONAL 2016**

##### **- RALLYE DE ASFALTO**

GRUPO R5	GRUPO R3
----------	----------



GRUPO S200 (1.6)	GRUPO A
GRUPO R-GT	GRUPO S1600
GRUPO S200 (2.0)	GRUPO S1600 RFEA
GRUPO R4	GRUPO R3D
GRUPO GT RALLYE	GRUPO R2
GRUPO N+	GRUPO N2
GRUPO N1	GRUPO N3
GRUPO N2	GRUPO R1
GRUPO N	GRUPO N (2RM)
GRUPO R3T	

**- RALLYE DE TERRA**

GRUPO R5	GRUPO Nacional 5 (N5)
GRUPO S2000 (1.6)	GRUPO R3T
GRUPO WRC	GRUPO R3D
GRUPO S2000 (2.0)	GRUPO R3
GRUPO R4	GRUPO R2
GRUPO N	GRUPO R1
GRUPO A > 1600 CC	GRUPO A < 1600 CC
GRUPO N+	GRUPO Nacional 1 2RM
GRUPO Nacional 1 4RM	GRUPO Prototipo 2RM
GRUPO Prototipo 4 RM	GRUPO Nacional 2 (N2)
GRUPO Prototipo E1 Nacional	GRUPO Nacional 3 (N3)
GRUPO Prototipo E2 Nacional	GRUPO GT Rally

**- RALLYE DE MONTAÑA**

Categoría I.	Grupo A+
Categoría II	Grupo A
Categoría III	Grupo N
Grupo CM+	Grupo R
Grupo CM-Promoción	Grupo E1 FIA
Grupo Prototipo E1 Nacional	Grupo Prototipo E2 Nacional
Grupo GT.	Grupo A2

**- COPAS PROMOCIÓN ANO 2016**

Copa Suzuki Swift	Trofeo Clio R3T	Dacia Sandero Cup	Mitsubishi Evo Cup
-------------------	-----------------	-------------------	--------------------

**CAMPIONATOS GALEGOS POR GRUPOS 2016**

**- RALLYE DE ASFALTO**

GRUPO N
GRUPO R
GRUPO X
GRUPO A
GRUPO G

GRUPO H
---------

GRUPO T
---------

**- RALLYE DE MONTAÑA**

GRUPO P
GRUPO N
GRUPO R
GRUPO C3
GRUPO CN
GRUPO EH
GRUPO EL
GRUPO D/E2SS
GRUPO CN/E23SC
GRUPO CM
GRUPO EM
GRUPO X
GRUPO A
GRUPO G
GRUPO H
GRUPO T
REGULARIDADE SPORT
REGULARIDADE 50

**- COPAS PROMOCIÓN ANO 2016**

TOP TEM PIRELLI	VOLANTE FGA	PIRELLI AMF SPORT	ELF GALICIA	SEGURO X DIAS	RALYCAR- RMOPARTS	INICIACIÓN MARBELLA
-----------------	-------------	----------------------	-------------	---------------	----------------------	---------------------

Quedan expresamente excluídas as seguintes modalidades:

- **CAMPIONATO NACIONAL 2016**

**RALLY**

Todoterreo
Históricos
Enerxías alternativas

**CIRCUÍTO DE VELOCIDADE**

Off road
Karting
Circuíto velocidade nacional
Series FIA solicitadas pola rfe a.
Campionatos/copas FIA/probas internacionais

- **CAMPIONATO AUTONÓMICO GALEGO 2016**

Rallye mix
Históricos
Autocross



Karting
Slalom
Todoterreo
2ª cat-outros eventos

- *Quedan así mesmo excluídas expresamente e por tanto non se terán en conta na valoración calquera outra proba ou campionato estatal ou galego non especificadas e reflectidas na presente convocatoria.*

#### CUARTO.- NÚMERO DE BOLSAS E CONTÍAS

O importe das bolsas destinadas a deportistas individuais piloto/a de rallye de asfalto, terra e montaña, anualidade 2017, que a Deputación Provincial pode conceder, estará comprendida no intervalo establecido na seguinte táboa:

IMPORTE MÍNIMO	IMPORTE MÁXIMO
400 €	7.000 €

Tendo en conta o orzamento previsto da actuación e o importe mínimo e máximo determinado por estas bases para cada unha das bolsas, o número máximo de BOLSAS a conceder será de vinte e cinco (25), de acordo co criterio de puntuación total –de maior a menor-, acadada por cada solicitante en base aos criterios de valoración do punto NOVENO da presente convocatoria.

Para a asignación da correspondente bolsa e dado que o número máximo de BOLSAS a conceder será de 25, o procedemento a seguir será o seguinte:

- Unha vez valoradas todas as solicitudes, o valor do punto en euros será o resultado de dividir o total do crédito orzamentario establecido para esta convocatoria (45.000,00 €) entre a suma total dos puntos acadados pola totalidade das solicitudes admitidas de todos/as deportistas solicitantes, de acordo cos criterios establecidos na presente convocatoria.
- En consecuencia, o importe da BOLSA a conceder, no seu caso, derivará do resultado de multiplicar o valor en euros do punto, polos puntos totais conseguidos por cada solicitante, de acordo co baremo establecido.

Do total anterior, -vinte e cinco (25) bolsas -, resérvase expresamente unha porcentaxe mínima do 7% para bolsas para deportistas con capacidades diferentes. En consecuencia, establécese expresamente en dúas (2) o número de bolsas asignadas ao colectivo de deportistas individuais piloto/a con capacidades diferentes, de acordo cos criterios establecidos, e por orde de puntuación acadada de maior a menor, que de non seren cubertas, pasarían a asignarse entre o resto de

solicitantes de acordo cos criterios establecidos nesta convocatoria. A consideración das anteriores circunstancias deportivas debera acreditarse mediante certificación federativa.

#### QUINTO.- CONTÍA E CRÉDITO ORZAMENTARIO

A dotación orzamentaria total da presente convocatoria é de 45.000,00 €.

As presentes bolsas convócanse con cargo á aplicación orzamentaria 3410.481, segundo se recolle no Plan Estratéxico de Subvencións 2017-2019 dentro da liña 4.2 Deportes, da Área de Innovación, Participación Cidadá, Mocidade e Deporte.

#### SEXTO.- DOCUMENTACIÓN, FORMA E PRAZO DE PRESENTACIÓN DAS SOLICITUDES.

As solicitudes, presentaranse conforme ao modelo oficial, que figura no Anexo I, no Rexistro Xeral da Deputación e de acordo co disposto na Lei 39/2015 de 1 de outubro, do Procedemento Administrativo Común das Administracións Públicas.

Prazo para a presentación de solicitudes: **7 días naturais** a contar desde o día seguinte á publicación do extracto da convocatoria no BOP de Lugo. Cada deportista só poderá presentar una única solicitude (Anexo I) e optar a unha única bolsa.

As solicitudes (Anexo I) virán acompañadas da seguinte documentación:

- A) Fotocopia do DNI do interesado/a (no caso de menor de idade deberán achegar tamén a Fotocopia do DNI do titor/a que asine e acompañe as autorizacións).
- B) Certificado orixinal de empadramento do/da solicitante no concello da provincia de Lugo correspondente.
- C) Certificado de estar ao corrente respecto das obrigas coa Axencia Tributaria estatal, coa facenda galega, coa Seguridade Social e co Servizo de Recadación Provincial.
- D) Declaración xurada das subvencións ou axudas solicitadas ou percibidas polo/a solicitante por parte doutras entidades públicas ou privadas (nacionais ou estranxeiras) para o financiamento da actividade para a que se solicita a bolsa (Anexo II).
- E) Declaración xurada de non estar incurso en prohibición para obter a condición de beneficiario da subvención conforme ao disposto no art. 13 da Lei xeral de subvencións. (Anexo II).
- F) No caso de ser beneficiario/a de subvencións anteriores, declaración xurada que acredite o cumprimento das obrigas inherentes ás mesmas (Anexo II).
- G) Documento bancario acreditativo da titularidade da conta bancaria, no que necesariamente figurará o solicitante.
- H) Cubrir e achegar asinado (solicitante e pai/nai ou titor/a no caso de ser menor) o Modelo 145 referido ao IRPF. Retencións sobre rendementos de traballo. (Axencia Tributaria Estatal).
- I) Autorización asinada para a solicitude,-no seu caso-, das correspondentes certificacións por parte da Área de Deportes de estar ao corrente das obrigas coa Axencia Tributaria estatal, coa facenda galega, coa Seguridade Social e co Servizo de Recadación Provincial. (Anexo III)
- K) Declaración xurada da condición ou non de deportista profesional. (Anexo IV).

- L) Autorización para recibir a través de correo electrónico comunicación relativas á convocatoria (segundo o modelo Anexo V).

#### DOCUMENTACIÓN DE CARÁCTER DEPORTIVO PARA A VALORACIÓN DA SOLICITUDE:

Certificación oficial da respectiva federación que acredite:

a) A posesión da correspondente licenza federativa oficial do piloto/a durante a anualidade 2016 e no momento da solicitude da bolsa (ano 2017).

b) De acordo co establecido na presente convocatoria, acreditación de ter disputado polo menos e como mínimo dúas (2) probas nalguna proba oficial federada durante a temporada 2016, das modalidades e grupos indicados no punto TERECEIRO da presente convocatoria.

c) Resultados deportivos e datos deportivos (palmarés, rankings, participacións en probas federadas, outros elementos de valoración establecidos nesta convocatoria, etc) relativos ao/deportista individual piloto solicitante no período comprendido desde o 1 de xaneiro de 2016 e o 31 de decembro de 2016, de acordo cos criterios, probas e elementos de valoración establecidos expresamente no punto NOVENO desta convocatoria.

O mencionado certificado asinado pola respectiva federación deberá acreditar que os méritos deportivos alegados son certos.

Os anexos que figuran na documentación requirida estarán a disposición das persoas solicitantes na Área de Innovación, Participación Cidadá, Mocidade e Deportes da Deputación de Lugo, así como na páxina web da Excm. Deputación Provincial de Lugo, [www.deputacionlugo.org](http://www.deputacionlugo.org)

A presentación das solicitudes supón a aceptación incondicional das presentes bases e das condicións, requisitos e obrigas contidas nelas.

A concorrencia ao proceso de concesión das bolsas implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei orgánica 15/99, de 13 de decembro, de protección de datos de carácter persoal.

A finalidade da recollida e tratamento dos datos persoais será estritamente a xestión de tramitación do expediente correspondente.

#### SÉTIMO.- PROCEDEMENTO

Unha vez presentada a solicitude, os servizos técnicos da Área de Innovación, Participación Cidadá, Mocidade e Deportes da Deputación de Lugo, revisarán a documentación achegada. No caso de estar incompleta ou conter erros, requirirase aos/as solicitantes para que no prazo de dez días hábiles, acheguen os documentos preceptivos ou remedien a falta, con indicación de que se transcorrido o prazo non o fixeran, procederase ao arquivo da solicitude.

A non presentación da documentación precisa ou a omisión de datos de xeito total ou parcial terá como consecuencia a non valoración dos méritos dentro dos criterios establecidos que non estean suficientemente xustificadas.

#### OITAVO.- AVALIACIÓN DAS SOLICITUDES

A área de Innovación, Participación Cidadá, Mocidade e Deporte desta Deputación Provincial de Lugo será a encargada de instruír e tramitar os respectivos expedientes. Para tal efecto constituirase unha Comisión de Avaliación que se encargará da valoración das solicitudes presentadas e formulará unha proposta a través do órgano instrutor consonte ao disposto no Artigo 24 da Lei 38/2003, do 17 de novembro, Xeral de Subvencións.

A devandita Comisión estará composta por tres funcionarios da Deputación de Lugo, a Sra. Interventora e Sr. Secretario Xeral da Deputación Provincial.

As regras de funcionamento da Comisión serán as recollidas na Lei 40/2015, do 1 de outubro, de réxime xurídico do sector público.

Os funcionarios da Deputación que se integrarán na sinalada Comisión de avaliación serán designados por Resolución da Presidencia, que precisará quen ostentará a Presidencia.

Revisados os expedientes e completados, de ser o caso, remitiranse á Comisión de Valoración para que esta proceda á súa avaliación e informe, no que se concretará o resultado da avaliación efectuada.

A Comisión de avaliación resolverá e incluírá no seu informe, de ser o caso, aquelas dúbidas que puidesen xurdir na aplicación dos criterios establecidos.

O órgano instrutor, elevará á Xunta de Goberno da Deputación para a súa aprobación o informe da comisión de valoración xunto coa proposta de resolución.

A proposta, que non terá carácter vinculante, deberá expresar o/a solicitante ou a relación de solicitantes para os que se propón a concesión da bolsa, e a súa contía, debendo facer constar –de xeito expreso – a desestimación do resto das solicitudes, se e o caso, segundo os principios de publicidade, transparencia, concorrencia, obxectividade, igualdade e non discriminación, establecendo a orde de puntuación para os posíbeis bolseiros/as suplentes, para os efectos de se producir algunha renuncia, e poder no seu caso, determinar o bolseiro/a suplente como perceptor de bolsa.

Unha vez valoradas todas as solicitudes por parte da Comisión de Valoración, o Presidente da Deputación de Lugo, proporalle a concesión das bolsas á Xunta de Goberno, quen resolverá.

O prazo máximo para resolver o procedemento, será como máximo, de tres meses e en todo caso, antes do 31 de decembro de 2017. Transcorrido o citado prazo sen que se adopte resolución expresa, entenderase desestimada.

A aceptación da bolsa concedida entenderase efectuada se no prazo de 15 días hábiles contados a partir do seguinte hábil ao da notificación da resolución non renunciaran a ela expresamente mediante escrito dirixido á Área de Innovación, Participación Cidadá, Mocidade e Deportes.

#### NOVENO.- CRITERIOS DE VALORACIÓN

Os criterios de valoración están divididos en 4 apartados:

##### A.- PALMARÉS



- B.- RANKING OFICIAL
- C.- PARTICIPACIÓN EN PROBAS FEDERADAS
- D.- OUTRAS VALORACIÓNS

**A.- PALMARÉS**

**A.1.- PALMARÉS TÍTULOS NACIONAL / AUTONÓMICO GALEGO ABSOLUTOS**

Neste apartado, computarase por cada título obtido polo beneficiario (1º, 2º e terceiro posto) durante a súa carreira deportiva segundo o cadro que se indica, sempre que se acredite pola Federación de Automobilismo correspondente.

Valoraranse coa correspondente puntuación exclusivamente os tres primeiros postos.

TITULO NACIONAL ABSOLUTO MODALIDADE ASFALTO/ TERRA/ MONTAÑA		TITULO AUTONÓMICO (GALEGO) ABSOLUTO MODALIDADE ASFALTO/ MONTAÑA	
1º POSTO	40 Ptos	1º POSTO	20 Ptos
2º POSTO	30 Ptos	2º POSTO	10 Ptos
3º POSTO	20 Ptos	3º POSTO	5 Ptos

**A.2.- PALMARÉS POR GRUPOS**

- **PALMARÉS TÍTULOS NACIONAL POR GRUPOS**

Neste apartado, e dado que se trata do palmarés do solicitante en distintos anos, contabilizaranse os resultados obtido polo beneficiario durante a súa carreira deportiva en cada grupo, incluídos outros grupos con nomenclatura diferente dos contidos nestas bases, sempre que se acredite pola Federación de Automobilismo correspondente. Deberase sinalar o grupo no que se conseguira o título.

Valoraranse coa correspondente puntuación, exclusivamente os tres primeiros postos.

TITULO NACIONAL POR GRUPO MODALIDADE ASFALTO/TERRA/ MONTAÑA (PUNTUAN OS GRUPOS ESPECIFICADOS NO APARTADO 3.B DESTAS BASES)	
1º POSTO	25 Ptos
2º POSTO	15 Ptos
3º POSTO	10 Ptos

- **PALMARÉS TÍTULOS AUTONÓMICO GALEGO POR GRUPOS**

Valoraranse coa correspondente puntuación, exclusivamente os tres primeiros postos.

TITULO AUTONÓMICO (GALEGO) ABSOLUTO POR GRUPO NA MODALIDADE ASFALTO/ MONTAÑA (PUNTUAN OS GRUPOS ESPECIFICADOS NO APARTADO 3.B DESTAS BASES)	
1º POSTO	15 Ptos
2º POSTO	10 Ptos
3º POSTO	5 Ptos

**A.3.- PALMARÉS COPAS PROMOCIÓN**

- PALMARÉS COPAS PROMOCIÓN NACIONAL / AUTONÓMICO GALEGO

Neste apartado, computarase por cada título obtido polo beneficiario durante a súa carreira deportiva, sempre que se acrediten pola Federación de Automobilismo correspondente.

Valoraranse coa correspondente puntuación, exclusivamente os tres primeiros postos.

TITULO COPA PROMOCIÓN NACIONAL ASFALTO / TERRA / MONTAÑA		TITULO COPA PROMOCIÓN AUTONÓMICO (GALEGO) MODALIDADE ASFALTO/ MONTAÑA	
1º POSTO	7 Ptos	1º POSTO	5 Ptos
2º POSTO	5 Ptos	2º POSTO	3 Ptos
3º POSTO	3 Ptos	3º POSTO	1 Ptos

## B.- RANKING OFICIAIS

### B.1.- RANKING OFICIAIS ABSOLUTOS POR BENEFICIARIO (ANO 2016)

Deberase acreditar con certificación da Federación de Automobilismo a posición no ránking correspondente ao ano 2016.

Valoraranse coa correspondente puntuación, exclusivamente os dez primeiros postos.

RANKING OFICIAL NACIONAL ano 2016 (Por beneficiario) ASFALTO /TERRA/ MONTAÑA		RANKING OFICIAL AUTONÓMICO GALEGO ano 2016 (Por beneficiario) ASFALTO /MONTAÑA	
1º	15 Ptos	1º	12 Ptos
2º	14 Ptos	2º	10 Ptos
3º	13 Ptos	3º	9 Ptos
4º	7 Ptos	4º	7 Ptos
5º	6 Ptos	5º	6 Ptos
6º	5 Ptos	6º	5º Ptos
7º	4 Ptos	7º	4 Ptos
8º	3 Ptos	8º	3 Ptos
9º	2 Ptos	9º	2 Ptos
10º	1 Pto	10	1 Pto

### B.2.- RANKING OFICIAIS POR GRUPO AO QUE PERTENCE O/A SOLICITANTE (ANO 2016)

Valoraranse coa correspondente puntuación, exclusivamente os tres primeiros postos.

Deberase acreditar con certificación da Federación de Automobilismo a posición no ránking correspondente ao ano 2016

RANKING OFICIAL NACIONAL ano 2016 (Por GRUPO ) ASFALTO /TERRA /MONTAÑA		RANKING OFICIAL AUTONÓMICO GALEGO ano 2016 (Por GRUPO ) ASFALTO /MONTAÑA	
1º	12 Ptos	1º	10 Ptos
2º	10 Ptos	2º	9 Ptos
3º	8 Ptos	3º	7 Ptos

### B.3.- RANKING OFICIAIS COPAS PROMOCIÓN (ANO 2016)

Deberase acreditar con certificación da Federación de Automobilismo a posición no ránking correspondente ao ano 2016.

Valoraranse coa correspondente puntuación, exclusivamente os tres primeiros postos.

RANKING OFICIAL NACIONAL COPA PROMOCIÓN ano 2016 ASFALTO /TERRA /MONTAÑA		RANKING OFICIAL AUTONÓMICO GALEGO COPA PROMOCIÓN ano 2016 ASFALTO /MONTAÑA	
1º	6 Ptos	1º	5 Ptos
2º	5 Ptos	2º	4 Ptos
3º	2 Ptos	3º	2 Ptos

### C.- PARTICIPACIÓN EN PROBAS FEDERADAS

POR PARTICIPACIÓN EN PROBAS OFICIAIS INTERNACIONAIS/ESTADIA/AUTONÓMICAS GALEGAS DE ASFALTO/TERRA/MONTAÑA (ANO 2016)

Nota: Deberase acreditar con certificación da Federación de Automobilismo, con independencia da modalidade e grupo de participación.

Pola participación en cada proba disputada puntuable para campionato internacional de rallye 2016 independentemente da modalidade, grupo ou copa promoción ao que pertenza (disputada dentro do territorio peninsular)	8 Ptos
Pola participación en cada proba disputada en territorio insular, puntuable para o campionato nacional de rallye 2016 independentemente da modalidade, grupo ou copa promoción ao que pertenza	10 Ptos
Pola participación en cada proba disputada en territorio peninsular, puntuable para o campionato nacional de rallye 2016 independentemente da modalidade, grupo ou copa promoción ao que pertenza	7 Ptos
Pola participación en cada proba disputada puntuable para o campionato autonómico galego 2016 de rallye en calquera das modalidades, grupos ou copas promoción estipulados nestas bases (excluídas as probas disputadas na provincia de Lugo indicadas no seguinte cadro)	4 Ptos

Pola participación nalgún dos rallye que se especifican no cadro, ano 2016 (en calquera das modalidades, grupos ou copas promoción grupos especificados nestas bases), da provincia de Lugo

RALLY SAN FROILAN	15 Ptos
SUBIDA A CHANTADA	10 Ptos
SUBIDA A PONTENOVA	7 Ptos
RALLYE DA ULLOA	13 Ptos

### D.- OUTRAS VALORACIÓNS

A) Pilot@ con <a href="#">copilot@s</a> con capacidades diferentes	15 ptos
B) Solicitante fémína	10 ptos
C) Por pertencer a algunha escudaría da provincia de lugo	10 ptos
D) Beneficiarios con idades comprendidas entre 18 e 30 anos (a data 31 de decembro de 2016)	10 ptos

A valoración a aplicarr nos distintos apartados deberá ser, no seu caso, acreditada con certificados oficiais.

- No caso de se producir empate, terase en conta a mellor puntuación total obtida por cada solicitante en cada un dos seguintes apartados e pola seguinte orde:

- Apartado A)
- Apartado B )
- Apartado C)
- Apartado D)

#### DÉCIMO.- RESOLUCIÓN, PUBLICIDADE E RECURSOS

A Xunta de Goberno a proposta do órgano instrutor resolverá definitivamente as subvencións. A resolución, ademais de conter o nome do solicitante da bolsa ou relación de solicitantes co seu número de solicitude aos que se concede a subvención, fará constar, se é o caso, de xeito expreso a desestimación do resto das solicitudes.

Ao abeiro do disposto no artigo 41 da Lei 39/2015 de 1 de outubro, do Procedemento Administrativo Común das Administracións Públicas, a resolución do procedemento non será obxecto de notificación individualizada aos afectados, senón que será obxecto de notificación por medio de publicación no BOP.

O prazo máximo para resolver e notificar a resolución do procedemento non poderá exceder de tres meses. O prazo computarase a partir do día en que remata o prazo establecido na convocatoria para presentalas. De conformidade co artigo 15 da Ordenanza xeral de subvencións desta Deputación, no caso de non ditarse resolución expresa no prazo indicado, o interesado poderá entender desestimada a súa solicitude, sen prexuízo da obriga legal de resolver expresamente conforme o disposto nos artigos 21 e 25 da Lei 39/2015, do 1 de outubro, do procedemento administrativo común das administracións públicas.

A resolución porá fin á vía administrativa e contra ela os/as interesados poderán interpoñer recurso de reposición ante o mesmo órgano no prazo dun mes desde a notificación, ou ben alternativamente recurso contencioso-administrativo, diante do Xulgado Contencioso-Administrativo de Lugo, no prazo de dous meses, contados dese o día seguinte á referida notificación.

A resolución que poña fin ao procedemento deberá expresar a relación de solicitantes aos que se lle conceden as bolsas, podendo designar ademais os adxudicatarios suplentes, en orde de prioridade, e maila relación de solicitudes desestimadas, se for o caso, segundo establece o artigo 25 da Lei xeral de subvencións.

#### UNDÉCIMO.- PAGAMENTO DAS BOLSAS

O pagamento das bolsas farase nun único pagamento previa proposta efectuada polo Presidente da Deputación de Lugo, e tras un informe do xefe de servizo de Deportes da Área de innovación, Participación Cidadá, Mocidade e Deportes, no que se fará constar a existencia e custodia dentro da Unidade Administrativa, da documentación requirida aos solicitantes no punto cuarto das Bases e achegar copia da documentación contida na base cuarta, puntos a), c), d), e), f), g), h) e k) ao Servizo de Intervención.

Non haberá posibilidade de efectuar pagamentos anticipados e aboamentos a conta da bolsa concedida.

#### DUODÉCIMO.- OBRIGAS DOS BENEFICIARIOS/AS

Os beneficiarios/as das bolsas están obrigados a facilitar a información que lles sexa requirida pola Intervención Xeral da Deputación de Lugo, o Tribunal de Contas e o Consello de Contas, no exercicio das funcións de fiscalización e control de destino das referidas bolsas.

Cumprir todas as normas establecidas nos apartados anteriores. Publicitar a súa condición de receptor de bolsas da Deputación de Lugo nas competicións e actividades deportivas nas que participe, a través da indumentaria ou en calquera outro elemento susceptible de portar imaxe.

#### DÉCIMO TERCEIRO.- RENUNCIA, REVOGACIÓN E REINTEGRO DE CANTIDADES.

A renuncia á bolsa por parte do beneficiario/a, unha vez iniciado o goce deste, deberalle ser comunicada mediante o correspondente escrito ao Presidente da Deputación de Lugo, polo menos con sete días de antelación á data na que se solicite que sexa aceptada a súa renuncia. A renuncia determinará a perda dos dereitos económicos da parte da bolsa non gozada e así mesmo, -se procede-, dará lugar ao reintegro da totalidade das contías percibidas e a esixencia do xuro de mora correspondente dende o momento do pagamento da bolsa ata a data na que se acorde a procedencia do reintegro, ou a data na que o debedor ingrese o reintegro se é anterior a esta, de conformidade con canto se establece no artigo 16 da Ordenanza Xeral de subvencións desta Deputación, no artigo 34.3 da Lei 38/2003, do 17 de novembro, Xeral de subvencións e no artigo 31.5 da Lei 9/2007, do 13 de xuño de Subvencións de Galicia.

O persoal técnico e facultativo que coordine esta convocatoria de bolsas poderá propoñerlle ao órgano competente da Deputación de Lugo a revogación das mesmas por falta de dedicación ou incumprimento das condicións sinaladas, con base en informe debidamente motivado, podendo anular os beneficios concedidos e solicitar a devolución das cantidades percibidas, se as houber e dos correspondentes xuros de mora, no prazo que establece o Regulamento Xeral de Recadación.

A adxudicación das bolsas será igualmente revogada total ou parcialmente no caso de que se comprobase que na súa concesión concorreu ocultación, falsidade de datos, ou que existen incompatibilidades con outros beneficios desta clase procedentes doutras persoas físicas ou xurídicas.

A solicitude das bolsas implica o coñecemento e aceptación do disposto nestas bases.

#### DÉCIMO CUARTO.- RÉXIME XURÍDICO

Para todos aqueles extremos non previstos nestas bases da convocatoria, aplicarase a Lei 38/2003, de 17 de novembro, xeral de subvencións, e con carácter supletorio a Lei 39/2015, do 1 de outubro, do procedemento administrativo común das administracións públicas; o RD 887/06, de 21 de xullo polo que se aproba o regulamento de subvencións; a Lei 9/2007, de 13 de xuño, de subvencións de Galiza; a Ordenanza xeral de subvencións da Excm. Deputación Provincial de Lugo, aprobada por acordo do Pleno de data 28 de febreiro de 2005; o Regulamento Orgánico da Deputación; as Bases de execución do orzamento e a normativa sobre delegación de competencias e atribucións dos órganos de goberno da Deputación vixentes no momento da concesión, así como a demais normativa vixente que resulte de aplicación.

Autorízase ao órgano competente da Deputación de Lugo para ditar, no ámbito das súas competencias, as resolucións precisas para o desenvolvemento destas bases da convocatoria e o inicio.

Lugo, 3 de novembro de 2017

O Presidente

Darío Campos Conde

O Secretario Xeral

Cristobal Víctor Fraga Bermejo